

書名 空同先生集六十三卷 嘉靖九年序刊本  
撰者 明 李夢陽 撰  
卷 卷二十三  
內容分類 集 別集-明中葉  
索書號 倉石:40084  
編號 4008000

# 卷二十三



空同先生集卷第一

賦一十首

疑賦

思賦

省愆賦

緒寓賦

侯軒子賦

十首

賦

乾  
坤  
高卑易矣  
星辰在下  
江河逆矣  
天喬喬天

北郡李夢陽撰

鈍賦

述征賦

宣歸賦

寄兒賦

竹石賦



問客何方來新下黃金臺揚鞭指河洛迴旆陵高崖  
選珍掇琪艸探美收瓊瑰路逢赤松子並舉收氛埃  
道同心乃冥神投誼難垂古人重良契豈必聲影偕  
行行報嘉績貢此明堂材

空同先生集卷第二十二

空同先生集卷第二十三

北郡李夢陽撰

詩 五言律詩一百首

大禮一十四首

郊觀齋居東邊喬二太常

郊壇值雪

西天門候祀

恭陪郊祀紀成

郊祀以病不與

臥病酬邊君天壇步月見懷之作

大行皇帝挽詩二首

候輓

望 泰陵

謁孔廟

壇祀酒會

益王頌

懷古一十七首

驪山

橋山

瓠子

朱遷鎮

朱遷鎮廟

峴山

鹿門山

冬日仁和門外二首

令婆墳

始謁徐祠

徐墓書張相國碑銘

陳祠在徐墓東

韓文公祠

武陵郡公祠

徐蘇二祠

鵝湖書院

遊覽六十九首

經長陵謁黃花鎮

白洋城

至黃花

銀山寺

出塞二首

環縣道中

寺

繁臺春望

繁臺別業

高遠亭

詣別業

登盤山頂顧望三湖

中湖寺二首

南湖

北望畏雨不至

下南湖

曉行雲夢澤

劉家隔

浮漢

浮江

九江

發九江

豐安庄

圓通寺阻雨

圓通寺阻雨聞石門礮橋斷水湧阻往東林

五老峰

再至洞院

迴流山亭

折桂寺

團山登望

芝山望

芝山寺感事

龜峰

泊安仁

鉛山

明遠樓春望

市汊夜泊

豐城夜泊

舟往臨江即事

雨泊豐城

夜行時江

赴新喻

自進賢趨撫州

雲山渡

玉峽驛夜泊

白沙驛

宜春臺春望

澗富嶺赴安福二首

鬱孤臺

曉至鄔子驛

再至玉虛觀

仙樓

謝岩秋日始集

秋望

古城春望

東陂秋泛三首

與駱子遊三山阪三首

上方寺鐘樓

上方寺鐘樓晚登

春晴野寺和李大

城南夏望和王相國

春日臺寺

大禮一十四首

郊觀齋居東邊喬二太常

人日過仙院春霞縹緲分碧回瑤澤草紅綻蕊杏宮雲  
獨處依松對清齋對鶴羣桃源知並入惆悵不逢君

郊壇值雪

鳳輦連宵發雞鳴雪滿畿嚴隨黃鉞至清繞翠華飛  
伏謁深沾珮朝回半濕衣懸知清切地冲默迓天威

西天門候祀

瑤壇暮雪盡月出禁門西地靜鳴珂碎沙寒簇仗低  
臺官移斗柄衛士掃雲梯遙識龍文氣爭傳法駕齊

恭陪郊祀紀成

御氣三更合君王在闕宮燎煙凝碧落墀月起微風  
上帝居歆夕文王陟降中諸壇嚴從暮元祀報成功

脩食珪璋潔登歌玉磬同神旋仍醉飽萬舞向春空

郊祀以病不與

端月溫風至圓丘瑞霧多開壇洽百禮伏枕想登歌  
日月春旂閃雷霆晝輦過年年覲上帝只爲乞民和

臥病酬邊君天壇步月見懷之作

霽夕開芳甸祠官悵獨遊銀潢橫殿落壁月抱壇流  
漢時饒煙霧秦城逼斗牛甘泉詞調絕疲病若爲酬

大行皇帝挽詩三首

弘治十八年五月

午門朝遂罷西殿臨真哀淚滿乾坤暮日黃風雨來  
虎賁猶宿衛龍馭幾時迴莫測皇天意中崩帝業摧

二

大訓文華踐英謀武範遺先朝無顧命大漸問班師  
上食金輿備移宮素幔垂向來激切疏優渥小臣知

三

元老炯仍在退朝無昔呼閒階惟玉輅夕日已金鋪  
望幸霓旌遠埋靈山殿孤君看霜露節冠冕灞陵趨

候輓

冬月初圓夕含悲候輦東閣門猶警蹕松栢已新宮  
象衛悲風入龍旂白霧中有鬚渾欲挽雲墮鼎湖弓

望 泰陵

昔臨園西內悲風入紫冥今來松栢望斜日泰陵青  
殿起雲煙入龍遊劔璽肩萬國今多難孤臣涕倍零

謁孔廟

端笏陪朝列時禋謁聖林戟門留石鼓春殿靜珠葉  
奎府星連切壁池龍躍深洗洗趨國子早晚翠華臨

壇祀酒會

齋居新宴合桂裏戟門開鴈趨龍旌到蛩喧羯鼓催  
松筠分曙色劔珮接行杯日上雲霞散驂驪羽騎迴

益王頌

憲宗王十子益府實稱賢體統朝廷半敦崇德業全  
書堂斜晝日棊殿淨秋烟問寢還英嗣時研世子篇

懷古一十七首

驪山

繡嶺花仍繡湯泉滿故宮禁池人自浴新月古應同  
玉殿興亡後青山涕淚中千岩歌吹入猶想翠華東

橋山

青宮棲古岑白露靜松林忽下烏號淚遙悲龍去深  
衣冠萬國後轍跡四方心一氣流羣帝哀哉笙鳳音

瓠子

沈璧餘瓠子橫汾懷帝歌波濤滿眼送城郭沒年多  
虎戰仍三晉龍遊失九河宋人饒事蹟今望亦滂沱

朱遷鎮

一本作朱遷鎮廟二首

水店回岡抱春湍滾白沙戰場猶傍柳遺廟只棲鴉  
萬古關河淚孤村日暮笳向來戎馬志辛苦為中華

朱遷鎮廟同賦  
二首 曹嘉

朱遷鎮廟

一本無題但有二之字

野廟瞻遺像英威  
尚出羣戰場沒沙  
水盡聲起風雲鐵  
馬長驅志金兵累  
勝勳自遭讒謫死  
誰復靜胡氛

朱墓莽岑寂岳宮今在茲風霜留檜栢陰雨見旌旗  
百戰回戈地中原左衽時土人嚴伏臘偏護向南枝

峴山

虎戰收功迹龍威  
召將還中原無社  
稷外冠有關山野  
馬啼殘恨蒼松凜  
舊顏平生吊忠義  
獨此淚痕斑

大名終不滅墮淚此山碑後進才非乏風流爾足師  
古堂陰漢水新路改城池回首隆中接秋雲兩處垂

鹿門山

龐公真漢隴孟子復唐詩舊宅新秋葉孤墳千載遺  
泉裊石穴細葛倚松門垂望望青峰近吾襟曠爾期

冬日仁和門外二首

一本作冬日過故王墳二首

寂寞何王殿遺墳此徑孤玉階番雪草野日自金鋪

庶暝牛羊聚林風鳥雀呼白頭香火者猶護赤龍符

二

二塚纍纍接聊城復定安世二王絕情哀宮獨感世異柏同殘久雨石門塌新霜帷殿寒西陵時節望誰見綺羅嘆

令婆墳

國初掄秀嫗分遣入周宮但覩丘墳鬱寧知乳哺同後王忘昔日頽屋鎖春風寒食鶯啼切林花落自紅

始謁徐祠

予問何不用大主守者曰有像則人起敬

廟古傍湖偏春行更可憐楚城芳草徧紅日此堂懸榻想陳公後時悲孝獻前亦知遺像誤瞻拜淚油然

徐墓書張相國碑銘

不讀南州傳誰知高士心江城遺塚在春日古祠深竹鳥嚶嚶合松檜靡靡陰曲江千載碣書罷淚盈襟

陳祠在徐墓東

可訝司徒廟偏隣孺子墳哲人堪一哭漢鼎竟三分門引江畔草榻留松上雲紛紛車馬客誰此薦清芬

韓文公祠

袁州山在城韓廟倚山清冕服前朝貌文章百代名石苔猶馬路春竹自鶯聲立望潮陽近翻翻海氣征

武陽郡公祠

惠愛前人蹟追思後代心洪都觀察廟香火古江潯



白日江山過青松霜露深亦知精爽異應厭鼓鼙音  
徐蘇二祠

孺子真高特雲卿岬後先揮鋤傲漢冕捆屨臥江烟  
寧飶糟糠卑耻同貪濁全凄凉百代宇悵望一潸然

鵝湖書院

書院佛堂邊頽垣嶺谷連四時僧洒掃千古儼高賢  
立壁東萊毅懸河子靜偏衆流終一海流淚考亭前  
游覽六十九首

經長陵詣黃花鎮

沙嶺群峯會黃花一徑穿臨岨防馬駭枯木有蛇懸  
鎖鑰關門壯星辰陵闕連舊驅悲虜賊得失豈皇天

白洋城

京西太行崦孤壘白洋間已巳曾通賊居庸並立關  
水合桑乾去峰連塞上山聖君敷遠德秋日戰旗閑  
至黃花

黃花城壓翠山合晝多陰坐見五陵霧來爲九月霖  
泥生劒戟澁寒重鼓鞞沉寂寞松林外那傳孤鴈音

銀山寺

銀山倚鐵壁天外削三峰下見林中寺來聞午後鐘  
僧徒住石屋雷雨拔門松西望諸陵接雲成五色龍  
出塞二首

胡蔓黃河限秦亡紫塞存積沙浮落日寒霧宿疎墩

哨馬三邊動燒荒千里昏將軍拜金印白骨不曾論  
二

磧日淡無暉胡沙驚自飛望烟尋戍壘聞鴈忽沾衣  
大將搜河套遊兵出武威賀蘭山下戰昨日幾人歸

環縣道中

西人習鞍馬而我憚孤征水抱琵琶寨山銜木鉢城  
裏滄新罷戰插羽又徵兵不到窮邊處那知遠戍情

寺

不覩空王宇誰興浩劫心散花疑白象布地果黃金  
水霧飛梁灑夕陽迴殿陰獨啗簪緌客遊賞託雲林

繁臺春望

野曠孤煙靜高臺獨望時地殘隋氏苑天闕禹王祠  
晚日雲爭白陰崕花自遲目斷南來鴈蕭然故國思

繁臺別業

地亦因臺峻天能縱屋高宋朝四帝國禹廟九河濤  
上下見陵墓風烟含野蒿昔人聞醉此簡懶愧吾豪

高遠亭

虛亭盖剗抄四顧果平蕪嵩嶽杯前出濁河牕外紆  
寺杉時送響塔鶴每來呼一約朋知飲歸車醉每扶

詣別業

山躋豈吾事郊遊惟獨行風回疑引騎雪落故連城  
塔剗疑先白臺雲曳未平感時侵歲晚白髮暗心驚

登盤山頂顧望三湖

爲訪三湖寺春山獨自來千盤不到頂萬壑劃爭迴  
石罅鳴鷄犬林風過虎豺俯觀侯趙對西望白雲臺  
峯日明寒雪谿泉激暗雷若非武陵口那得有桃開

中湖寺二首

龍象何年地千巖一澗迴我來尋石鏡隔竹望香臺  
對繞啼猿入人從鳥道來坐飡霞氣晚只擬是天台

二

陟嶮扣岩扉一鐘鳴翠微丹崖森竹對雪壁映花飛  
屋隙鳴泉寫山昏麋鹿歸松風高壑起雲臥欲霑衣

南湖

南湖果竒絕逾嶺復南湖石磴迴相倚巖泉有乍無  
開窓衆壑積當殿一峰孤更覽千林竹因懷長嘯徒

北湖畏雨不至

亂山上雲氣孤客發西岑徒瞻北湖寺其如東路心  
嶺猿愁暝雨巖鳥下空陰回首太行麓蕭蕭松椽林

下南湖

湖僧騎牝馬相送石門峯欵仄亂石路日暝漁樵逢  
蒼茫翠微裏風落青山鐘羨爾巖居者縱期塵外蹤

曉行雲夢澤

曉行雲夢澤雲起失湖村歷歷橫江雨冥冥遠岫昏  
鼃鼃當馬吼鷗鷺背人翻欲擬浮湘作吾生異楚魂

劉家隔

匹馬淮山盡孤舟漸楚歌遠商吳蜀雜  
新雨漢江波  
驕燕斜斜下輕鷗片片過整帆遲明發  
天色定如何

浮漢

杳杳向前城揚船浮漢行水聞天上轉  
色出雨中明  
已近鳴鷗月長看龍霧生陳詩嘆秣馬  
風浪獨含情

浮江

浮江晴放舸挂席曉須風日倒明波底  
天平落鏡中  
開窓問赤壁捩柁失吳宮萬古滔滔意  
潯陽更向東

九江

九江江九流廬嶽負江州世代催前浪  
圖書羨上游

城孤落日映虎去暮天幽夜笛鄰舟送  
曲終無限秋

發九江

已發南風盛須時且復停岼沙延繫纜  
竹色隱回汀  
行待江水穩臥看廬阜青此生誰固料  
湖海一萍萍

豐安庄

地氣南逾熱僧林晚暫栖雲開一江去  
日在萬山西  
修竹涼風至昏鴉古木齊凭高忽灑淚  
清世有征鼙

圓通寺阻雨

岩扉隣虎穴淹坐面猴江山動雲生  
眼風迴雨入窓  
漸交松際響驀闔石間瀧鈴磬烟蘿外  
高峰只自雙  
圓通寺阻雨聞石門礧橋斷水湧阻  
往東林

石門雨斷橋途阻虎溪遙及想遠公室秋蓮應盡飄  
愁猿吟霧裏落葉重林腰更有天池望巖巖向碧霄

五老峰

東南壽浪吞五老古今存秀色彭湖浴諸峯廬嶽  
中宵見海日南斗豁天門霜雪顏常靜雲烟斛變

再至洞院

昔別秋色苦今遊風澗清穿石竹猶活雨過泉自生  
禮殿古門換釣臺新路平獨來誰每見雲日此峰情

迴流山亭

亭高山盡入回首見鄱陽天地開吳楚絃歌有宋唐  
峰雲低棟白湖日倒碑黃六月吾來此涼風不可當

折桂寺

折桂何朝院開基分翠峰  
嶸明五老雪門掩半崖松  
泉瀑飛人過香臺印虎踪  
千巖誰得到百里但聞鐘

團山登望

石壁朝饒  
二山名

團山當縣口石壁對朝饒  
日靜湖波斂天低島色遙  
風雲餘霸氣吳楚混前朝  
秋水年年落英雄恨不消

芝山望

吳楚分何代乾坤此郡孤  
江從對裏斷山入雨中無  
戰鬪名空在英雄世與徂  
酒酣撫長劍極目盡重湖

芝山寺感事

偶到芝山寺遙傷薦福碑  
霜雪十月動秋戰萬家悲

石門雨斷橋遙阻虎溪遙又想遠公室秋蓮應盡飄  
愁猿吟霧裏落葉重林腰更有天池望巖巖向翠霄

五老峰

東南滄浪吞五老古今存秀色彭湖浴諸峯虛供  
中宵見海日南斗豁天門霜雪顏常靜雲烟斛變

再至洞院

昔別秋色苦今遊風澗清穿石竹猶活雨過泉自生  
禮歛古門換釣臺新路平獨來誰每見雲日此峰情

迴流山亭

回首見鄱陽天地開吳楚絃歌有家唐  
湖日倒彈黃六月吾來此涼風不可當

折桂寺

折桂何朝院開基分翠峰總明五老雲門掩半堦松  
泉瀑飛人過香臺印虎踪千巖誰得到百里但聞鐘

團山登望 石壁朝饒  
二山名

團山當縣口石壁對朝饒日靜湖波斂天低鳥色遙  
風雲餘霸氣吳楚混前朝秋水年年落英雄恨不消

芝山望

吳楚分何代乾坤此郡孤江從對裏斷山入雨中無  
戰鬪名空在英雄世與祖酒酣撫長劍極目盡重湖

芝山寺感事

偶到芝山寺邊傷薦福碑霜雪十月動秋戰萬家悲

涼入丹楓墮岬高黃葛垂洪鈞融萬物黔首獨旌旗

龜峰

立壁有天地浮雲無古今仲冬諸客到落日亂峰陰  
峭峽通人過危巖把酒唵竒多看不徹昏黑更登臨

泊安仁

官舟商泊同城近月濛濛戍鼓夜長擊漁燈時自紅  
烏鵲枝難穩豺狼穴易空向來論大計心切古人風

鉛山

山水交閩越東南古縣聞一峰晴冒雪兩水晝蒸雲  
石井鵝湖倚車盤鳥道分儒宮荆棘裏寒葉痛紛紛

明遠樓春望

貢院初開閣春陰獨倚欄柳邊千艦聚花裏萬家殘  
風雨江聲壯兵戈地色寒斷腸沙鴈北羣起向長安

市汊夜泊

此夜章江月無端照獨舟人生真梗泛歲暮且帆遊  
臘逼寒燈焰波吞霽雪流坐吟風鴈起漁笛滿前洲

豐城夜泊

夏至北風至晚晴涼意增江船逼新月沙色亂踈燈  
暗漿故相撥浮陽還自蒸倚檣看劍氣仍見斗間曾

舟往臨江即事

直舫含風細中江放舸安地隨帆席轉風進晚潮殘  
霞樹迎窓過晴山卷幔看遙驚雙浴鷺色舉向雲湍

雨泊豐城

古岼花層濕陰江鷗半飛波迴撼船重雨側入簾微  
渾愛金華湧亭傷寶氣稀二年三歷此腸斷北舟歸  
夜行盱江

赴新喻

燈火遵山閃旌旗折路類仙壇杳不見片月故須親  
土俗漸異楚人言多雜閩豈無器不足訟簡愛吾民  
露對且鳥啼孤舟晨向西蕭灘千百轉昏暮到羅溪  
古驛屯雲密平沙沒日低揚帆更前去月夜不須迷

自進賢趨撫州

炎域霜何厲寒原木欲稀肩輿隨落葉晨日上征衣

雲山渡

路勢東南轉北風鴻鴈歸東鄉新血戰巢破鳥猶飛  
渡古雲山積江明日色饒霜融木更落野靜路堪遙  
冠蓋行相望干戈氣未消傷心弄兵者汝業本漁樵

玉峽驛夜泊

暑泊無風夜江船深自涼雲纖沾葛細月湧去波長  
古峽銜孤驛名山引玉梁前途堪躍馬旦發問仙鄉

白沙驛

沙古幽幽白江新泯泯清水銜村作國山繞驛爲城  
萬里將南徼孤旌且暮征壯心與落日的的向波明

宜春臺春望



古州圖記見今望臨高臺人倚楚天盡風驅湘色來  
密雲生曉暝遠水上春雷尚有干戈淚馮軒眼倦開

澗富嶺赴安福二首

三月赴安城遙攀嶺路行前驅真避虎絕壁亦啼鶯  
周覽物色換極高雲氣迎俯看南贛路孤舸會將征

二

山行忽百里步步山情新蘿擁千盤透花齊萬谷春  
寒暄不異地憂喜暫隨人默誦垂堂戒私嗟名利身

鬱孤臺

朔日送客返慨然登鬱孤悲歌爲閩廣指顧盡江湖  
南俗羗夷雜北流章貢俱兵舸尚滿眼繹繹詣饒都

曉至鄔子驛

湖夜乘風過天明見驛樓數家依獨對落日隱春洲  
日抱越峰上江奔吳徼流姚源東水外兵甲氣還浮

再至玉虛觀

龍沙欣自昔久泊遂今期雨露新松大丹青舊殿移  
岍雲通繡栢江日抱金池欲倚門東閣愁看日暮時

仙樓

仙樓忽欲暝鐘鼓下江烟獨坐一燭秉當門新月懸  
石寒壇近斗沙靜對浮天半夜朝羣帝珊珊羽節還

謝岩秋日始集

百戰江山在吾來草木秋孤城洞口落襄水席邊流

去國雙王粲題岩只謝侯醉歸憶山簡飛興習池頭

秋望

蝶戲猶餘藥蟬吟已怯枝乾坤入漢日霜露望鄉時  
屈子偏生楚王通不負隋晚楓江更苦莫上峴山祠

古城春望

陰陰日欲暮迢迢春望稀野色吹寒立林鴉逆雨歸  
孤城還麥秀白首且花飛臨路長楊嬾前朝今是非

東坡秋汎三首

久說東坡好今陪上客遊綺筵開畫舫哀笛奮中流  
舞每低輕燕歌先起白鷗稍前休更進吾愛荻花洲

二

水寺通人少松亭隔芰荷問僧舟暫艤登岍酒同過  
草木秋風入湖山晚色和返橈須痛飲前路滿漁歌

三

進艇晨烟碧回棹晚日黃宿禽喧亂葦飢獺窟空梁  
放浪形骸得牽纏世路忙要君待明月此水是滄浪

與駱子游三山陂三首

庫部平生友湖山百代心追思宮闕地蕪沒水雲深  
連馬穿蘆入羣鷗坐石吟誰能堪落日莽莽古城陰

二

丘壑胸應滿乾坤眼獨真揚鞭指河洛立馬說周秦  
古墓笙歌地前朝戰伐塵秋風颭颭起白草正愁人

日扇逢林却風旗改路迴悲涼元此嶽攀陟復何臺  
雲破遠峰出天秋孤鴈來明朝異南北歸騎莫教催

上方寺鐘樓

臺上一鐘鳴登臺萬里平兼葭天正遠雲氣暮還生  
飢雀喧空澤黃蒿斷古城不堪臨眺屢况是感秋情  
上方寺鐘樓晚登

危閣秋登霽寒烟晚坐重長風欲動地落日故銜峰  
葦颭騰雙鷺雲拖挂一龍此懷吾不淺恠爾暮鳴鐘

春晴野寺和李大

一本無此篇及下篇

野闊愛春幽新晴覓寺遊立僧當徑望融雪向門流

淨色悲諸界浮生哂一丘憐君厭囂俗行處即滄洲

城南夏望和王相國

散步郊南望雜鴉欵欵飛園林惟草色時序已絺衣  
試粉蓮初膩殘香棟乍稀亦思河朔飲無奈賞心違

春日臺寺

寺僻春還麗人閑午任遊行隨碧草遠話為老僧留  
池竹晴常潤龕花晚更幽塔端兩峯鶴怪爾亦優游

空同先生集卷第二十三